

## **VIII CAMPAÑA DE RECOYIDA DE LLIBROS Y MATERIAL ESCOLAR**

Ya casi que tenemos enriba'l fin del cursu escolar 2018-2019, y como nos años anteriores, "La Semiente" tratará d'ayudar a les families de la cuenca a enfrentase de la meyor manera posible al gastu qu'esto supón. Pa ello, tamos arrancando cola que será la **VIII CAMPAÑA DE RECOYIDA DE LLIBROS Y MATERIAL ESCOLAR PAL CURSU 2019-2020**

Recoyeremos los llibros y el material escolar que nos queráis dar dend'agora hasta setiembre pa repartir lo que vayamos acumulando a principios del cursu que vien. Como nes ocasiones anteriores, cada quien pué dexar lo que quiera y, en setiembre llevar lo que tope de lo que necesite, sin que seya necesariu por parte les families aportar pa poder dir a recoyer, nin posible por parte "La Semiente" asegurar que quien aporte vaya topar tolo que busque. Siguiendo cola mesma dinámica que los otros años, garramos lo que nos den y repartimos lo que tengamos a quien lo demande. Nun facemos reserves.

Pola experiencia de les anteriores campañas, sabemos que munches families, precisen más ayuda pa facese col material escolar que pa los propios llibros de testu, asina qu'esti añu vamos prestar especial atención a esto, y pa ello vamos dexar pelos chigres del conceyu unes huches nes que podáis ayudanos a recoyer alguna perruca (Ya sabeis que "La Semiente" nin tien, nin acepta subvenciones públiques, y que siempre se faen les coses desinteresadamente y gracias al apoyu popular, polo que ya vos damos les gracias d'antemano) Toles perres que nos deis gastaranse en material escolar nes llibrerías y papelerías del pequeñu comerciú de les cuenques. Tratando de que les perres del pueblu reviertan nos establecimientos del pueblu y evitando no posible les grandes superficies comerciales que precaricen el trabayu y lleven los beneficios pa fuera.

**Lo que nos queráis dar, podéis dexalo en llocal de "La Semiente" que ta na carretera xeneral, travesía Calle Nueva Nº 1 L'Entregu (Frente a la farmacia) Tamos abiertos los Llunes de 8 a 10 de la tardi, y los Miércoles y Xueves a partir de les 7.30. tamién podéis contactar con nos llamando al número 696209016**

Aceptamos:

Tolos llibros de testu que nos queráis dar d'esti añu y del pasáu, de tolos cursos y de toles escueles y colexos.

Tou el material escolar que queráis traer. Llibros, llibretes, bolis, llapices, gomes, colores, estuches, carteres, mochiles, mandilones, chandals, etc.

Donaciones en metálicu pa material escolar.

Como siempre, tratamos d'esparder la idea de que'l vecindariu d'un pueblu, nun ye solo xente que vive nel mismu grupu de cases. Tamién ye xente que fai por apoyase mutuamente.

**CONTRA LA CRISIS Y EL PARU, SOLIDARIDÁ POPULAR**

ASAMBLEA DE LA SEMIENTE